



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-11-4-6299-2
Sarajevo, 22.03.2022. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i čl. 14., 70. i 69. stav (2) tačka d) Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za javne nabavke Ministarstva unutrašnjih poslova Kantona Sarajevo za 2022. godinu, imenovane Rješenjem broj 05-1-11-4-519 od 01.02.2022. godine, u postupku javne nabavke građevinsko-zanatskih radova na sanaciji krova u ulici Envera Šehovića za potrebe Ministarstvo unutrašnjih poslova Kantona Sarajevo, ministar unutrašnjih poslova Kantona Sarajevo, **d o n o s i**

O D L U K U

o poništenju postupka za nabavku građevinsko-zanatskih radova na sanaciji krova u ulici Envera Šehovića

I

Na osnovu Odluke broj 01-11-4-6299 od 22.11.2021. godine, godine i Obavještenja o nabavci broj 1364-1-3-33-3-17/22 od 03.02.2022. godine, proveden je otvoreni postupak uz primjenu e-aukcije u postupku nabavke građevinsko-zanatskih radova na sanaciji krova u ulici Envera Šehovića.

II

Komisija je, shodno članu 69. stav (2) tačka d) Zakona o javnim nabavkama, dala preporuku da se donese odluka o poništenju postupka, obzirom da niti jedna zaprimljena ponuda nije prihvatljiva.

III

Po okončanju roka za žalbu, ugovorni organ će donijeti odluku o ponovnom pokretanju postupka.

IV

Ova odluka stupa na snagu danom donošenja.

O b r a z l o ž e n j e

Na osnovu Odluke o postupka 01-11-4-6299 od 30.12.2021. godine i Obavještenja o nabavci broj 1364-1-3-33-3-17/22 od 03.02.2022. godine, na portalu Agencije za javne nabavke objavljen je postupak nabavke građevinsko-zanatskih radova na sanaciji krova u ulici Envera Šehovića.



Komisija je pristupila otvaranju prispjelih ponuda o čemu je sekretar Komisije sačinio Zapisnik o otvaranju ponuda koji je dostavljen ponuđačima.

Komisija je utvrdila da u postupku nabavke, od strane ponuđača postavljeno jedno pitanje na koje je odgovoreno u predviđenom roku.

Tendersku dokumentaciju preuzelo je 24 ponuđača, a prispjele su tri ponude, i to:

R.B	DATUM PRIJEMA PONUDE	VRIJEME PRIJEMA PONUDE	PONUĐAČ
1.	24.02.2022.	14:40	DINALSA D.O.O. SARAJEVO
2.	25.02.2022.	09:55	KRISTAL D.O.O. ŽIVINICE
3.	25.02.2022.	13:02	GALBOLS D.O.O. SARAJEVO

Komisija je izvršila kontrolu dostavljene dokumentacije, način uvezivanja ponuda, primjenu propisane forme dostavljenih dokumenata, validnost ponude, njen potpis i ovjeru, te je izvršen pregled i provjera drugih dokumenata.

Komisija je konstatovala sljedeće:

- ponuđači Galbols d.o.o. Sarajevo i Dinalsa d.o.o. Sarajevo nisu dostavili dokaze da glavni transakcijski račun ponuđača nije blokiran neprekidno u trajanju od 7 dana odnosno ukupno trajanje blokade računa ne može biti duže od 15 dana u posljednjih šest (6) mjeseci od dana podnošenja ponude, a u skladu sa tačkom 12. pod a) TD. Naime, ponuđači su bili u obavezi da dostave „Odgovarajući dokument/dokaz koji izdaje banka ponuđača ili druga finansijska institucija (npr. Centralna banka BiH), u skladu s pozitivnim propisima, a kojim se dokazuje ispunjenje uslova da glavni transakcijski račun ponuđača nije bio blokiran u zadnjih šest (6) mjeseci“, a prema članu 47. Zakona o javnim nabavkama,
- Ponuđač Dinalsa d.o.o. Sarajevo nije dostavio dokaze u skladu sa tačkom 12. pod b) TD, „Izvjestaj o finansijskom poslovanju (bilans stanja) i izvještaj o uspješnosti poslovanja (bilans uspjeha) za posljednje dvije (2) godine ili od datuma registracije, odnosno početka poslovanja u predmetnom segmentu, ako je ponuđač registriran, odnosno počeo sa radom prije manje od dvije (2) godine“, Naime, pomenuti ponuđač je dostavio bilans stanja i bilans uspjeha za 2020. godinu i Izjavu (koja nije tražena TD) da su dokumentaciju za ovjeru bilansa stanja i bilansa uspjeha za 2021. godinu predali na izradu ali da ista nije još ovjerena od strane ovlaštene osobe. Iz navedenog proizilazi da je ponuđač dostavio validan dokaz samo za jednu godinu.
- ponuda ponuđača Kristal d.o.o. Živinice je formalno-pravno ispravna, ali ponuđena cijena u Obrascu za cijenu ponude značajno prelazi procijenjenu vrijednost nabavke, odnosno znatno je veća od osiguranih sredstava za predmetnu nabavku i kao takva ne može biti prihvaćena.

Shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa članom 69. stav (2) tačka d) Zakona o javnim nabavkama BiH („Sl. glasnik BiH“ broj 39/14), Komisija jednoglasno daje preporuku ministru MUP-a KS da se postupak nabavke poništi i donese odluku o ponovnom pokretanju.

Cijeneći naprijed navedeno riješeno je kao u dispozitivu.



POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od 10 (deset) dana od dana prijema Obavijesti, a u skladu sa čl. 99. i 101. Zakona o javnim nabavkama.

MINISTAR

Admir Katica

Dostaviti:

1. Ponuđačima x3,
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.

